

雲南府志卷之第十四

封建志一



先王建國析爵親侯如枝附木似楫扶舟久而  
寢失遺本趨流無所控馭往往貽憂粵稽南服  
得失可搜束則易窘縱則難收會龍煽虛爨棘  
聯讐窺疆竊土實費繩糾元剖梁璧明錫黔旒  
畏威懷德實賴綏柔

皇清奠宇寧我邊陲削平僭逆拱衛神州武功丕布  
文德聿修分而能合濶而能周凡諸措布厥有

雲南府志

卷之十四

封建一

一

端由畧為指述播之千秋志封建

藩

雲南府

漢

滇王當羗

楚莊躡之後治滇國武帝元狩元年使王然于等出求身毒為嚮昆明所

閉因至滇當羗與使者言漢孰與我大使歸告帝怒討之莊氏遂絕

唐

建寧王張樂進求

龍佑那之裔太宗貞觀二十三年冊為首領大將軍封後

遜位蒙氏



臺登罷王盛羅皮

哀牢牟苴篤三十七氏孫細奴羅生有神異張樂進求於

高宗永徽四年舉國遜之傳子羅盛炎

雲南王皮羅閣

羅皮子玄宗開元二十六年遣使冊為王賜名歸義

南詔王閣羅鳳

歸義子天寶七年襲職後叛

南詔王異牟尋

閣羅鳳孫代宗貞元九年遣使上表反正歸唐冊封雲南王賜

金印

南詔王尋閣勸

異牟尋子憲宗元和二年改賜元和印章

南詔王勸利晟

尋閣勸子穆宗長慶三年賜印

滇王豐祐

利晟弟晟死冊封為滇王

雲南府志

卷之十四

封建

二

元

雲南王忽哥赤

世祖第五子至元五年封金鑲銀印駝紐出鎮雲南

宗王脫忽魯

至元十一年鎮雲南

雲南王也先帖木兒

系出忽哥赤嘗從征緬至元十七年襲封金印獸紐

二十五年移鎮大理

梁王甘刺麻

世祖孫至元二十七年封金印獸紐出鎮雲南二十九年改封晉王

出鎮大幹耳朶大德六年薨諡獻武後以長子也孫鐵木耳入繼大統是為泰定帝追尊

為顯宗

梁王松山

顯宗子至元三十年出鎮雲南



梁王濶濶

成宗朝以兵救劉深

雲南王老的

至大二年封金印駝紐

梁王王禪

係出松山延佑七年封雲南王金印獸紐泰定元年晉梁王天曆元年帥

師與太平王燕鐵木兒戰於柳林兵敗被殺

雲南王帖木兒不花

梁王王禪子泰定元年襲封金印駝紐

雲南諸王秃壁

至順元年反詔豫王阿刺納失里及諸王雲都思鐵木兒湖廣

省臣脫歡先後討之伏誅

梁王把匝刺瓦爾密

一各李羅明傅友德等破雲南舉家赴昆明池死

明

雲南府志

卷之十四

封建一

三

岷王梗

高帝子洪武二十六年建邸雲南二十八年之國建文時廢為庶人靖難勅復

國與守臣交惡文皇賜書諭王召守臣戒之未幾又不法上怒罪其僚屬奪冊寶尋復與

之洪熙元年徙封武岡州景泰中薨諡曰莊

黔寧王沐英

字文英江南定遠人父超母顧氏英八歲而孤是時元未大亂母携

之逃難又故反明太祖起濠梁英往從之撫為義子賜國姓年十八為帳前都尉旋遷

廣武衛指揮使加昭勇大將軍改廣信衛勤於軍政士卒有蹂民田禾者必加重譴百姓

安之洪武元年二月從征陳有定拔溪寨破漳泉等州遂定閩中三月命復姓仍調守建

寧節制邵武延平汀州三衛三年授鎮國將軍僉大都督府事四年陞都督府同知進階

榮祿大夫掌府事九年巡視關陝邊塞勅以便宜行事十年副衛國公鄧愈征西戎直抵



崑崙山值霖雨浹旬餽運弗繼與士卒同甘  
苦士皆感悅効力闢地數千里遂進封西平  
侯賜號開國輔運推誠宣力武臣階榮祿大  
夫勲柱國食祿二千五百石授以鐵券世襲  
十一年拜征西將軍征西番降其衆二萬俘  
馬牛羊二十餘萬得納降七站之地擒其酋  
長獻於京威鎮西土十三年元餘孽脫火赤  
國公愛足知院爲邊患英將兵西畧亦集乃  
由西路渡黃河經寧夏歷賀蘭山涉流沙至  
其境分軍爲四夜啣枚以進合兵攻之俘其  
全部以歸又副大將軍徐達北征由嵩高全  
寧過驢駒河獲知院李宣十四年九月上以  
元遺孽梁王把匝剌瓦爾密恃雲南險遠不  
服復使英副穎國公傅友德率師三十萬征  
之由辰流遵陸路出羅鬼攻曾定曾安循格  
孤山之南出奇兵襲畢節擊可渡河等處皆  
下之梁王遣其司徒達里麻駐兵曲靖拒守  
英謀於友德曰雲南兵屯曲靖必謂我軍深

雲南府志

卷之十四

封建

四

入罷徹程遠行遲彼師必懈我若兼程以進  
出其不意掩其未備此批吭擣虛之術也曲  
靖一破餘可傳檄而定友德然之遂乘大霧  
疾進直抵白石江元帥潰亂英拔刀督兵冒  
險濟水旣登南岸火炮交發聲振天地接戰  
數合英縱鐵騎擣其中堅連斬數百人乘勢  
破元江兵生擒達里麻俘甲士二萬馬萬匹  
死者橫屍十餘里梁王聞之遁走滇池死島  
中友德與英駐兵金馬山父老焚香迎拜入  
城禁士卒毋擄掠收梁王金寶並官府符籍  
雲南旣平遂分下烏撒得七星關以通畢節  
十五年春分遣將士畧建昌潞江臨安元江  
尋甸楚雄洱海獨大理酋段世不下英命常  
茂領兵從間道繞點蒼山攻其後而自斬關  
入遂拔其城擒世調勝兵取鶴慶掠麗江下  
金齒軍聲大振于是摩步和泥車里平緬相  
率來降奏分烏撒烏蒙東川芒部建昌會川  
羅鬼晉定曾安水西畢節肆四川自是雲南



列爲麗邑分設軍衛犬牙相制雲南大定詔  
雷英鎮守如諸彝稍有騷動英必出奇討勝  
扼制其萌始不長其漸威震八蠻納貢請臣  
西南帖服及英入覲真民無論老幼咸感然  
東望英抵京上晏勞賜金銀文彩有差復賜  
第鳳陽十日遣還英將至滇滇民老幼復遠  
迓於數百里外如子弟之愛其父母至二十  
五年五月十七日疾卒年四十七訃聞上哭  
之慟輟朝遣官致祭其請有曰使我無西南  
之憂者英之功也將歸葬江南柩發雲南軍  
民旄倪暨諸蠻彝酋長攀號哭送者數萬人  
至京上遣中使祭臨追封黔寧王諡昭靖配  
享廟庭賜葬江寧縣觀音山之原英爲人沉  
毅有智量所至未嘗濫殺旣鎮雲南乃築城  
垣設衛禦簡官僚撫會豪興學校治水利立  
屯田定貢賦均力役好賢禮士納儒生之言  
讀大學衍義學問淵邃又大書周子太極圖  
說張子東西二銘朱子敬齋箴孔明出師二

雲南府志

卷之十四

封建

五

表李密陳情表韓愈佛骨表朝夕瞻對求其  
理趣又擇民間俊秀土官子弟皆令入學隸  
業使知禮義嘗得太極圖本并白鹿洞規書  
勒置文廟生平惟好馬嘗語人曰地用莫如  
馬吾向也馳逐於兩陣之間與吾一心以立  
功者在良驥耳蕃息甚富擇其良者以充貢  
至今爲例雲南父老願卽府城立廟合辭以  
聞報可又追封三代王爵妻馮氏繼耿氏俱  
追封黔寧王夫人子五春晟昂景昕  
尚太宗公主屢掌南京都督春嗣其職

定遠王沐晟

字景民器宇淵弘寡言笑喜怒不  
形高帝甚愛之甫冠命爲後軍都

督僉事特進榮祿大夫左都督尋嗣兄爵鎮  
守雲南先是麓川思任發及其子機發與羣  
酋各據甸寨以叛元江景東諸鄰羆皆告乞  
制守舊所侵地適晟來鎮請於朝命都指揮  
萬中等徧歷勘驗遂以所侵地設孟養木邦  
孟定三府鎮沅威遠二州干崖潞江灣甸大



侯者樂五長官司眾皆如約釋兵請歲納貢賦仍於潞江迤西立騰衝千戶所控其險要諸彝帖服永樂三年八百土酋侵邊晟奏遣都指揮陳濬等領勁兵三千往剿晟駐蒙自為聲援蠻酋伏辜四年夏四月上賜白金旌之是年安南犯順秋七月同新城侯張輔副總兵征南將軍成國公朱能徂征九月由蒙自進兵經野蒲抵其境先調陳濬等攻奪猛烈柵華關隘彼兵遁築堡造舟復遣都指揮徐源等分兵突出宣光江口奪澳沕寺沙昇舟夜出洮水陳師其上仍令濬沂流合攻蠻衆於富良江鏖戰至暮方止翌旦衆將咸欲奮擊乘勝屠戮晟弗從遂合京軍攻多邦城柵及擣其東西二都若盤灘困枚魯江仙侶皆破之駐兵播種招諭脅從五年夏五月晟追至日南州奇羅海口擒其父子官僚所得府州四十八縣一百八十六戶三百一十二萬五千九百獲象馬牛羊并俘馘軍仗無算

雲南府志

卷之十四

封建

六

六年班師進封顯忠輔運推誠宣力武臣特進榮祿大夫勳右柱國黔國公食祿三千石授鐵券世襲兼賜玉帶金帛上親製詩褒美之是年冬陳季擴等復稱兵為惡晟追至安海島悉擒之十七年夏六月富州會長沈絃經反晟潛截其後絕水道衆請函攻晟曰吾姑以得勝之師諭以禍福遂降正統元年冬四川會川黎溪賊矣的誘合附近土寇底迫等嘯聚金沙江晟遣弟昂除之二年冬十月馬龍他郎甸刀獲劫燬公署占奪地方復遣昂剿平之三年夏五月麓川彝思任發復侵騰衝南甸晟奏調雲南等四都司合兵擊之冬十二月至潞江造舟六十餘艘遣昂及都督方政張榮等夜渡破其柵斬首三千餘級獲象三十餘隻後方政戰不利死之晟還至楚雄道卒年七十二訃聞上震悼賜祭葬追封定遠王諡忠敬晟為人勤慎天性忠孝嗣鎮雲南四十餘年揆文奮武訓練將士安輯



彝夏重利舉招遺逸克紹前人勤儉嘗舉孔子之言曰言忠信行篤敬雖蠻貊之邦行矣苟順而弗逆彼自安也

本朝

平西親王吳三桂

字月所遼東人明季授寧遠衛總兵加平西伯李自取陷

北京三桂父襄書招三桂三桂不從自威遂殺襄三桂赴

世祖軍前投誠獻山海關遂前驅及自成滅詔為平西大將軍封平西王駐劄漢中府順治

十五年冬統大兵入滇十六年雲南平

命三桂移鎮雲南十八年追永曆李定國等于緬甸凱旋晉平西親王康熙十二年反寇湖廣借號衡州復寇四川漢中廣西等處

雲南府志

卷之十四

封建一

七

上命六師討之先是三桂以病死反雲南平據其屍分示各省家口沒官

○鎮

東漢

成義侯文齊

益州太守拒公孫述以歸光武詔為鎮遠將軍

封

傍邑侯鹵承

昆明爨章帝建初二年從征哀牢王顛牢有功

封

蜀漢

興亭侯李恢

俞元人建興中提兵與丞相亮聲勢相應亮表為建寧太守封



陽遷亭侯呂凱  
永昌不韋人仕罷五官掾功曹  
表凱為雲南太守封

晉

襄中縣公王遜

魏興人寧州刺史先為南彝校尉征伐諸彝威行寧土元帝嘉

之賜爵

明

西平侯沐春

字景春英長子初授驃騎將軍後軍都督僉事洪武二十五年襲爵

嗣鎮雲南次年越州阿資叛率兵討之斬其首以徇二十九年寧遠州刀拜爛恃遠不服遣都督何福征降之三十一年佩前將軍印麓川刀幹孟構兵逐其主思倫發春駐師金

雲南府志

卷之十四

封建二

八

齒復遣何福等進剿大破其眾諸蠻震懾不敢復貳尋卒年僅二十有六卒之夕有星殞聲如雷計聞上輟朝一日賜祭葬禮如昭靖謚惠襄春在鎮七年闢地三十萬五千九百八十四畝增糧四十三萬五千八百石有奇復民戶五千七百五十口五萬二千四百二十有四初黔寧王沒上深以為憂或當朝而嘆及春至雲南條數事咸區處有方上覽其奏顧為廷臣曰西南得人朕無憂矣春狀貌不逾中人平居暇日大衣緩帶如儒生及行師號令嚴明士卒用命故能有成功云

定邊伯沐昂

字景顯英第三子年十九授散騎舍人洪武三十五年陞右軍左衛

指揮僉事永樂初使雲南遂留輔鎮邊務機密最輒遣昂報悉稱旨永樂四年進都指揮同知師宗元江富州維摩諸彝酋相繼叛皆以次平之陞右軍都督府同知宣德元年平



瀾滄刀步等寇進右都督正統元年討平黎溪賊底泊及刀甕三年從討麓川思任發晟回軍至楚雄卒昂扶柩還雲南四年佩征南將軍印復征麓川師至隴把攻破關柵賊遁朝廷復命定西侯蔣貴靖遠伯王驥會兵往征至騰衝昂分兵由干崖南甸進搗其巢俘馘無算晉左都督卒年六十有七增定邊伯諡武襄昂為人孝友和易御人一以誠信不計利害為趨舍凡所舉動皆合人情卒之日滇人為之罷市子禧字可怡有詩名授錦衣衛副千戶蚤卒贈榮祿大夫右

黔國公沐斌

字文輝初名儼字可觀晟長子居金陵事祖母耿母程皆盡孝正統

五年襲封黔國公繼武襄鎮雲南緬甸宣慰卜刺浪擒獲麓川思任發匿不俘送斌遣都指揮李昇以兵問之遂函其首并械其妻來獻十二年機發據孟養為患斌會靖遠伯王

雲南府志

卷之六

封建二

九

驥平蠻將軍官聚總諸道兵討平之已已貴州苗反水西蠻攻圍畢節等衛斌遣兵往救諭以禍福賊遂解散景泰元年卒年五十有四贈太傅諡榮康斌謙恭純篤馭下有恩子

嗣宗

都督同知沐璘

字廷章禧之子年十三喪父十

禧千戶進襲祖指揮僉事尋以功陞雲南都指揮僉事景泰間進右軍都督同知克總兵官繼斌鎮雲南修廢舉墜汰冗挾蠹政務必舉方思機發之未獲也上檄璘捕滅衆議深入璘曰此釜中魚安能久乎深入徒勞非計之良也宜以大軍臨境達尺書於緬甸內襲外扼擒之易耳緬人果以機發并其妻子來獻璘使械送京師上遣使勞賚甚厚時廣南土酋儂印榮叔侄為亂璘遣官授以成算平之木邦陶孟思指搆兵劫其長璘復調兵討



之天順元年陞右軍都督特進榮祿大夫六月  
少欲門無私調好讀書長於吟咏尤工篆籀  
草書建五華書屋羅書史其中政暇與士人  
討論反占人物高下雖竟日不倦無故不入  
私室每延賓僚廣和宴樂有古儒將風所著  
詩文若干卷

黔國公沐琮

字廷芳斌之子成化元年襲二年

南勤于政事劾望謁文廟畢令諸生進講經  
史請寬解額墾屯田革尋廣士官知府銜名  
置大羅衛以控制大理賓川地方備都御史  
程琮往撫孟密所過無擾時有獻平孟密策  
者兵之曰自征麓川以來軍民困憊已極吾  
寧招撫之何忽復為地方禍聞者避之等加  
太子太傅弘治九年以疾卒年四十七琮  
平居嗜學手不釋卷至陰陽卜著星命之說

雲南府志

卷之十四

封建二

無不究心在鎮三十餘年招撫懷遠一綏以  
德不勞師不耗餉邊境寧謐無干以從姪誠  
之子崑為嗣贈  
太師諡武僖

黔國公沐崑

錦衣衛都指揮使誠之子黔國公

尋佩征南將軍印時龜山竹箐蠻叛崑發兵  
討平之孟養孟密兩蠻長爭寨治兵相攻永  
昌一帶皆震恐崑遣使諭解邊釁以息又合  
川貴二鎮兵平岑魯之亂再擒師宗州賊張  
安受及南安酋部代加太子太傅卒年四  
十贈太師諡莊襄著有玉岡集子紹勳嗣

黔國公沐紹勳

崑子襲父爵加授太子太傅嘉

黔國公沐朝輔

紹勳長子襲父爵加授太子太

恭僖能文有  
文樓慢稿



黔國公沐朝弼

紹勳次子先授都督同知因二

隆慶間被參逮  
問安置南京

黔國公沐昌祚

朝弼長子襲公爵萬曆十三年

乞休子獻代上以祚有平順大功晉都督後  
因武定諸寇反圍省城昌祚論奏巡撫與獻  
俱被逮仍起昌祚視事晉少  
傅兼太子太傅年七十卒

黔國公沐獻

昌祚子襲公爵後  
為父論逮除名

黔國公沐啓元

獻子襲公爵崇  
禎三年暴卒

黔國公沐天波

字玉液啓元子年十二襲父爵

奎叛調沙定洲協計定洲蓄異謀師故久不  
進及至省遂襲天波變起倉卒天波欲效死

雲南府志

卷之十四

封建一

七

左右以存身賊賊為請乃出走楚雄與副使  
楊畏知畫策固守賊累攻年餘士民皆無離  
志城得不陷及孫可望李定國等入滇遣人  
招天波天波執義不赴可望等約以雪仇恢  
復為事乃歸各官皆受偽符天波獨佩黔國  
舊篆及可望入黔遂與定國謀迎永曆盡心  
事之時偽王艾能奇死永曆因天波夫人焦  
氏盡節欲以其妻妻之使將其眾天波力辭  
不受會永曆入緬從臣多傲慢天波于顛沛  
中執君臣禮甚謹後緬酋謀陷永曆誘至木  
城天波窺有變心與王起隆囊石為鎚擊殺  
數十人遂遇害其子忠亮被執不食旬日死  
黔國沐英傳至天波凡十三世天波更狗  
難以死其世系起絕竟與明運相始終焉

本朝

叅贊都統馬齊

滿洲人康熙二十年從賴塔平  
吳逆至滇城既下大軍班師



上命齊留鎮二十三年回京

副都統得爾德

叅贊都統希福 俱與馬齊留鎮雲南

師命

周

楚將軍莊躄 奉項襄王命將兵畧滇

秦

常頽 奉使畧通五尺道置吏

漢

雲南府志

卷之十四 封建二

上

將軍郭昌

武帝元封元年為將軍奉命發巴蜀兵擊滅勞漫靡莫以兵臨滇滇王舉

國降其後益州昆明爨反再將兵擊定之

武威將軍劉尚

建武八年蠻渠帥棟蠶與牒榆滇池弄棟諸蠻反益州太守繁

勝與戰不勝退保朱提十九年遣尚等發兵三萬人追擊之尚兵渡瀘水入益州界諸蠻聞大兵至棄壘奔走獲其財蓄無算明年又進兵與戰數月皆破之又明年追至不韋斬棟蠶俘獲七千餘人生口五千七百馬三千匹牛羊三萬頭諸爨悉平

中郎將尹就

元初四年封離叛就討之恣縱貪暴益州有寇來尚可尹來殺我之

誣後敗績

馮

茂 天鳳中奉命擊滇王



廉丹 與茂同奉  
令擊滇王

蜀漢

丞相武鄉侯諸葛亮 事許太  
事考

隨武侯蔣琬 行軍  
都護

將軍王平 以南征功  
封亭侯

將軍句扶 以南征功  
封亭侯

關興 漢壽亭侯羽之子從  
丞相亮南征功最著

隋

左領軍將軍史萬歲 京兆社陵人高祖時南寧  
爨爨既降拜刺史既而復

雲南府志

卷之四

封建二

三

叛遂以萬歲為行軍總管率衆自蜻蛉經弄  
棟大小勃再至南中賊前後屯據皆擊破之  
行千餘里破三十餘部擒獲男女二萬餘口  
諸爨請降獻明珠徑寸勒石頌美隋德馳奏  
請將爨既入朝既懼因賂萬歲以免明年既  
復反蜀王秀奏其受賂縱賊上將斬之高頻  
等奏曰萬歲雄畧過人雖古名將  
未能過也上意方解罪免除名

唐

御史韓洽 天寶初同李宓率  
南詔擊爨歸王

中使孫希莊 與韓洽同  
平南詔

元

姚樞 字公茂柳城人世祖征大理至曲光腦  
兒地樞因夜譙陳宋祖遣曹武惠干江



南不殺一人為盛德事明日世祖據鞍詔樞  
曰若昨夕言吾能為之樞馬上賀曰聖人之  
心仁民如此民之幸國之福也兵入大理勅  
樞裂帛為旗頒止殺之令分號街陌民歡呼  
滿道及征雲南收其圖籍拜  
翰林學士承旨卒諡文獻

樞密院總兵徹里帖木兒

阿魯溫氏幼沈毅有大志早備宿衛至順

元年雲南伯忽叛以行樞密院事總兵討之  
軍有紀律所過無犯賊平賞賚甚厚悉分賜  
將士師旋囊中  
僅存巾幗而已

叅贊軍務董文用

字彥封真定藁城人世祖征雲南文用與弟文忠從軍督

糧叅贊軍務

光祿大夫太保劉秉忠

字仲晦瑞州人從世祖征大理明年征雲南每

雲南府志

卷之四

封建二

四

贊以天地好生王者不殺故克城之日不妄  
戮一人至元元年拜光祿大夫太保叅頂冲  
書省事卒諡太傅追封趙國公諡  
文貞後追封常山王改諡文正

豫王阿剌忒

文宗朝同朔思斑叛蠻

鎮西王溯思斑

文宗至順間奉命討雲南叛蠻

威寧王月舉連赤海牙

從憲宗征釣魚山繼從太子滿哥征雲南戰勝

至順中追封威寧王諡襄靖

明

征南將軍傅友德

字惟學其先江南宿州人後寄籍杭州元末明太祖攻江

州友德率衆降上知其才用為將累功封穎  
川侯世襲洪武十四年九月上命友德為征



南將軍藍玉沐英為副統兵三十萬往征雲南師行上出餞于龍江友德至曲靖梁王把匝刺瓦爾密遣司徒平章達里麻將精兵十萬禦之友德與玉英謀用奇計大破之於白石江生擒達里麻俘其眾萬計友德悉縱歸本業彝人皆悅而兵聲益振雲南遂平後復畧定建昌徵江臨安元江尋甸楚雄洱海等處惟大理逾命友德同沐英將兵進攻拔其城擒酋長段氏東川烏蒙芒部諸蠻皆震恐降附乃分兵取鶴慶畧麗江破石門關下金齒由是車里平緬等處相率來降十六年土命長興侯耿炳文諭友德等班師友德既平雲南因其土俗定租賦興學校瘞戰骨廣屯田撫軍恤民創設諸司衙門十七年曾顏篤據佛光寨復叛友德以大兵再至誅之彝民為立生祠凱還上慰勞進封穎國公食祿三千石十九年再征雲南二十二年率兵討曲靖曾安龍海孟定曲麻馬乃等未靖諸蠻二

雲南府志

卷之十四

封建一

五

十七年三月初二日暴卒賜葬安德門外嘉靖元年巡撫都御史何孟春請建祠祀賜額曰報功

安陸侯吳復

江南合肥人以安陸侯從征雲南有功比取廣西轉餉盤江卒十七

年論功贈黔國公諡威毅

指揮使費聚

江南濠梁人洪武十五年從穎川侯征雲南克曾定署貴州都指揮

使司聚署司事討平雲南征廣西俘斬萬計還鎮雲南後召還

六安侯王志

江南濠梁人十五年從穎川侯平雲南繕城隍立屯堡奏凱而還

安慶侯仇成

含山人洪武十五年從征雲南十六年復征大理金齒諸處平之十

七年論功加祿米五百石



永昌侯左副將軍藍玉 江南定遠人洪武十五年率師克雲南取大理

等處十七年論功加祿米五百石

都督僉事胡海 江南定遠人洪武十五年從征雲南有功封東州侯子斌以戰

功仕都督同知十五年從征雲南戰死贈左都督

宣寧侯金朝興 江南巢縣人十五年從征雲南定臨安元右丞任歹納欵府衛

州治城地皆所經畫十七年論功加祿米五百石

都督僉事陳桓 江南濠梁人十五年從征雲南攻大理十七年論功封曾定侯

二十年又與靖寧侯葉昇總制雲南諸軍立營屯田

都督僉事張翼 江南臨淮人十五年從征雲南十七年論功封鶴慶侯

雲南府志 卷之十四 封建二 六

景川侯曹震 江南濠梁人十五年從征雲南十七年論功加祿米五百石

靖寧侯葉昇 洪武二十年總制雲南諸軍

長興侯耿炳文 同傅友德再征雲南

都督僉事張銓 江南定遠人十五年從征雲南有功二十三年進封永寧侯

本朝

信翹王繹尼 順治十五年為安遠靖寇大將軍統兵征平雲南

大將軍固山額真宗室羅託 順治十五年由湖廣貴州取雲南

多羅貝勒尙善 順治十五年領中路兵馬入雲南

固山額真宜爾德 滿洲人從繹尼平雲南十七年卒于軍



固山額真沙里希

滿洲人順治十六年隨鐸尼入滇追李定國至迤西磨盤

山陣

征南將軍固山趙布太

滿洲人同鐸尼平雲南

定西將軍公愛星阿

滿洲人順治十八年至滇換大兵凱旋十一月統兵

人緬追執永曆

安南將軍卓羅

滿洲人順治十八年愛星阿等人緬卓羅留鎮雲南

噶喇昂邦白爾黑圖

都統郭爾泰

都統孫塔

雲南府志

卷之十四

封建二

七

護軍統領畢立克圖

護軍統領飛雅思哈

俱滿洲人奉

命從愛星阿等統兵入緬

經畧閣部洪承疇

福建南安人順治十七年督師入滇事平還京

定遠平寇大將軍固山貝子章泰

於康熙二十年統滿漢官

兵由湖廣貴州一進路征吳三桂克復雲南城下之日兵不血刃

征南將軍穆占

叅贊都統喇賽

噶喇昂邦薩克查巴圖魯



都統釋加保

先鋒統領沙納海

副都統麟紀錄

副都統陶代

副都統花色

副都統公圖

副都統宜恩孝

副都統官保

內閣學士兼禮部侍郎薩海

俱滿洲人

雲南府志

卷之十四

封建一

六

署副都統盧崇峻

綏遠將軍湖廣總督蔡毓榮

江西總督董衛國

俱遼東人

建義將軍林興珠

福建人

貴州提督趙

賴 滿洲人

山西提督周卜世

雲南提督桑

格 俱遼東人

以上各將軍都統等俱隨固山貝子章泰由中路領兵平定雲南

征南大將軍賴

塔 滿洲人康熙二十年領滿漢官兵由廣西泗城州一



路奪石門坎至曲靖會固山  
貝子章泰大兵平定雲南

叅贊都統勒貝

叅贊都統趙連

護軍統領額黑里俱滿洲人

副都統洪實錄

副都統祖植椿

兩廣總督金光祖

福州將軍馬九玉俱遼東人

以上各將軍都統等俱同征南大將軍賴塔領滿漢官兵由東路會兵平定雲南

雲南府志

卷之十四

封建二

充

宣威將軍紀哈里

副都統希福

副都統覺羅西布俱滿洲人

勇畧將軍雲貴總督趙良棟陝西人

以上將軍都統等領滿漢官兵俱由四川建昌一路渡金沙江會兵平定雲南

鎮安將軍都統噶爾漢

護軍統領佟雅

副都統翁艾俱滿洲人

署副都統張長庚俱遼東人



以上各將軍都統俱由四川  
永寧一路會兵平定雲南

### 使命

漢

傅望侯張騫

元狩間武帝從騫之議命騫與栢始昌及王然于等出使身毒國始

通滇

諫議大夫王褒

神爵中奉使祀金馬碧鷄之神

治中吉弘偉

武帝四年諭昆明內附

南西道徐雲虔

乾符五年領南西道節度使幸讜遣雲虔如南詔雲虔至鄯闡

城驃信見之與抗禮使人謂曰貴府牒欲使驃信稱臣奉表貢方物驃信已遣人與唐約

雲南府志

卷之十四

封建二

三

為兄弟不則甥舅耳何求貢之有雲虔曰驃信之先由大唐之命得合六詔為一恩德深厚中間小忿罪在邊鄙今驃信欲修舊好豈可違宗祖之故事乎順祖考孝也事大國義也息戰爭仁也審名分禮也四者皆令德可不勉乎驃信待雲虔甚厚授之以木刻送還然猶未肯奉表稱貢也

宗正少卿李龜年

奉使南詔許婚

明

翰林侍制王禕

字子充浙江義烏人師元學士黃縉隱居青巖山著書會太祖

取婺徵至行在署中書省掾時商畧機務悉契上表語必稱子充而不名歷官翰林侍制與宋濂同典機密掌制詔上嘗曰浙東有二大儒卿與宋濂耳學問之博卿不如濂才思



之雄濂不如卿洪武五年春正月命禕偕蘇成詔諭雲南禕既奉命辭即日就道以六月至雲南見梁王君臣禕諭之曰大明創業統一萬方爾僻在西南未被聲教特遣使者來諭意亟宜奉版圖歸職方梁王不聽館禕別室禕又言曰朝廷軫念雲南黎庶不忍殲于鋒刃故令開諭若拒不服必奉行天討王曰漢閉昆明命使莫達唐勤遠畧祇以自憊天兵雖多恐無所用之禕曰王未聞乎陳友諒據楚張士誠據吳陳友定據閩明玉珍據蜀彼皆重關峻嶺長江天塹率膏斧鑕雖爾元君北走以死擴濶帖木兒輩賣降恐後徃事俱在今王自度謀勇孰愈天朝推亡固存孰愈愈中國量德較義孰愈天朝推亡固存孰愈天命王曰先生言是也會元之後有自立于朔漠者遣使脫脫欲連兵以拒必欲迫梁王殺禕王不忍匿禕民間脫脫聞之誚讓益甚不得已出禕見脫脫禕慷慨言曰天既迄汝

雲南府志

卷之志

封建一

三

元命我皇上實代之汝燿火餘燼耳乃與日月爭光乎我豈畏死耶脫脫厲聲詈梁王或曰兩國交爭不罪來使况王公文行天下無雙宜有以全之脫脫曰今雖孔聖不可存梁王不能救遂遇害時六年十二月二十四日也卒年五十有二滇人聞見者莫不流涕梁王遣司徒達里麻致祭具棺衾殮之二十二年贈翰林學士奉議大夫諡文節正統間改諡忠文成化間賜祭立祠命有司春秋致祭

叅政吳雲

字友雲江南宜興人以能詩授校書郎改渭南縣丞陞刑部郎中尋陞尙

書改湖廣叅知政事先是上遣王禕詔諭雲南遇害特遣雲齋勅往諭時梁王遣其臣鐵知院等二十人報使北漠爲大軍獲送京師上釋之與雲偕行至雲南沙塘口鐵知院等命雲胡服辨髮改制書詐爲元使共給梁王雲責以大義矢死不回鐵知院知不可奪遂



殺之梁王聞之遣人具棺榔殮雲於給孤寺  
後子韞庵補國子監生授交阯知縣弘治間  
贈雲刑部尚書諡忠節與王禕同  
祠祀賜額曰二忠有司春秋致祭

恤刑使江盈科

字祿蘿江南桃源人進士奉命

重辟半係逋課者以北衙礦徵課增至逃饒  
戶辦其役往往貨產鬻奴不能償逮斃者無  
算科惻然曰予奉命欽恤將死者生之豈此  
生者忍視其死也恤刑莫先恤此力爭之當  
事當事難之科乃特疏請罷報可窮筭  
多所全活與梟首祈汝東益祠序左

本朝

刑部尚書能 圖

學士麻勒吉

俱滿洲人順治十六年奉

雲南府志

卷之十四

封建二

三

命入滇查釋

難民

戶部尚書蘓納海

滿洲人順治十六年奉

命入滇

撥沐氏勲  
莊給吳三桂

戶部侍郎沙爾圖

弘文院學士多諾

俱滿洲人康熙六年同沙爾圖奉

命諭吳三桂命議

節省錢糧

吏部侍郎折爾肯

學士傳達禮

郎中党物禮



郎中沙木哈 俱滿洲人

郎中王新命 四川人俱于康熙十二年奉

命入滇催移吳三桂家屬

內閣學士佛倫 滿洲人

侍郎金鉉 直隸宛平人康熙二十年俱奉

命至滇總理軍需

吏部郎中范承勳 遼東瀋陽人康熙二十年奉

命去四川永寧一路催兵入滇督辦軍糧

戶部郎中額爾黑圖 蒙古人康熙二十年奉

雲南府志 **卷之十四** 封建一

命由四川建昌一路催兵入滇督辦軍糧

兵部左侍郎庫勒納 滿洲人康熙二十三年奉

命赴滇查議土司世職